

遼

史

一



百衲本二十四史

遼史

四部叢刊史部

上海涵芬樓景印
元刊本原書板匡
高營造尺六寸五
分強寬五寸一分

聖旨

至正三年三月十四日篤憐帖木兒怯薛第三日

咸寧殿裏有時分速古兒赤江家奴云都赤蠻子殿中
俺都刺哈蠻給事中孛羅帖木兒等有來脫脫右丞相
也先帖木兒平章鐵睦爾達世平章太平右丞長仙參
議孛里不花郎中老老貞外郎孛里不花都事等奏遼
金宋三國史書不曾纂修來歷代行來的事跡合纂修
成書有俺商量來如今選人將這三國行來的事跡交
纂修成史不交遲滯但凡合舉行事理俺定擬了呵怎
生奏呵奉

聖旨那般者

三月二十八日別兒怯不花怯薛第二日

咸寧殿裏有時分速古兒赤不顏帖木兒云都赤蠻子
殿中俺都刺哈蠻給事中孛羅帖木兒等有來脫脫右
丞相也先帖木兒平章鐵睦爾達世平章太平右丞吳
參政買木丁參議長仙參議韓參議別里不花郎中王
郎中老老負外郎孔負外郎觀音奴都事孛里不花都
事杜都事直省舍人倉赤也先蒙古必闍赤鎖住都馬
等奏昨前遼金宋三國行來的事跡選人交纂修成史
書者麼道奏了來這三國爲

聖朝所取制度典章治亂興亡之由恐因歲久散失合遴
選文臣分史置局纂修成書以見

祖宗盛德得天下遼金宋三國之由垂鑑後世做一代盛
興交翰林國史院分局纂修職專其事集賢秘書宗文
并內外諸衙門裏著文學博雅才德修潔堪充的人每
斟酌區用纂修其間予奪議論不無公私偏正必須交
總裁官質正是非裁決可否遴選位望老成長於史才
爲衆所推服的人文做總裁官這三國實錄野史傳記
碑文行實多散在四方交行省及各處正官提調多方
購求許諸人呈獻量給價直咨達省部送付史館以備

采擇合用紙札筆墨一切供需物色於江西湖廣江浙
河南省所轄各學院并貢士莊錢糧除祭祀廩膳科舉
修理存留外都交起解將來以備史館用度如今省裏
脫脫右丞相監修國史做都總裁交鐵睦爾達世平章
太平右丞張中丞歐陽學士呂侍御揭學士做總裁官
提調官省裏交也先帖木兒平章吳參政樞密院裏塔
失帖木兒同知姚副樞臺裏狗兒侍御張治書賈木丁
參議長仙參議韓參議右司王郎中左司王郎中老老
賁外郎孔賁外郎觀音奴都事杜都事六部各委正官
并首領官提調其餘修史的凡例合行事理交總裁官

修史官集議舉行呵怎生奏呵奉

聖旨那般者

進遼史表

開府儀同三司上柱國錄軍國重事中書右丞相監修
國史領經筵事臣脫脫言竊惟天文莫驗於璣衡人文
莫證於簡策人主監天象之休咎則必察乎璣衡之精
監人事之得失則必考乎簡策之信是以二者所掌俱
有太史之稱然天道幽而難知人情顯而易見動靜者
吉凶之兆敬怠者興亡之機史臣雖述前代之設施大
意有助人君之鑑戒遼自唐季基于朔方造邦本席於
干戈致治能資於黼黻敬天尊祖而出入必祭親仁善
鄰而和戰以宜南府治民北府治兵春狩省耕秋狩省

欽吏課每嚴於芻牧歲饑屢賜乎田租至若觀市赦罪
則昭合六典之規臨軒策士則恪遵三歲之制享國二
百一十九載政刑日舉品式備具蓋有足尚者焉迨夫
子孫失御上下離心驕盈盛而釁隙生讒賊興而根本
蹙變強爲弱易於反掌吁可畏哉天祚自絕大石苟延
國旣丘墟史亦蕪菲耶律儼語多避忌陳大任辭乏精
詳五代史繫之終篇宋舊史埒諸載記予奪各徇其主
傳聞况失其真我

世祖皇帝一視同仁深加愍惻嘗

勅詞臣撰次三史首及於遼六十餘年歲月因循造物

有待臣 脫脫 誠惶誠恐頓首欽惟

皇帝陛下

如堯稽古而簡寬容衆

若舜好問而濬哲冠倫

講經兼誦乎

祖謨

訪治旁求乎往牒茲修史事斷自

宸衷

睿旨下而徵聘行朝士賀而遺逸起於是命臣 脫脫 以

中書右丞相領都總裁中書平章政事臣 或陸爾達世

遼史目錄 卷三
中書右丞今平章政事臣賀惟一御史中丞今翰林學士承旨臣張起巖翰林學士臣歐陽玄侍御史今集賢侍講學士兼國子祭酒臣呂思誠翰林侍講學士臣揭傒斯奉

命為總裁官中書遂選儒臣宗文太監今兵部尚書臣

廉惠山海牙翰林直學士臣王沂祕書著作佐郎臣徐

昂國史院編修官臣陳繹魯分撰遼史起至正三年四

月迄四年三月發故府之積藏集遐方之麇獻蒐羅剔

抉刪潤研劑紀志表傳備成一代之書臧否是非不迷

千載之實臣脫脫叨承隆寄幸覩成功載宣

日月之光華願效涓埃之補報我

朝之論議歸正氣之直則辭之昌遼國之君臣有知善者
喜而惡者懼所撰本紀三十卷志三十一卷表八卷列
傳四十六卷各著論贊具存體裁隨表以

聞上塵

天覽下情無任慚懼戰汗屏營之至臣脫脫誠惶誠懼頓
首頓首謹言

至正二年日開府儀同三司柱國錄國軍事中書省丞相監修國史領經筵事臣脫脫上表

三史凡例

一帝紀

三國各史書法準史記西漢書新唐書各國稱號等
事準南北史

一志

各史所載取其重者作志

一表

表與志同

一列傳

后妃 宗室 外戚 羣臣 雜傳

人臣有大功者雖父子各傳餘以類相從或數人共
一傳

三國所書事有與

本朝相關涉者當稟金宋死節之臣皆合立傳不須避
忌其餘該載不盡從總裁官與修史官臨文詳議
一疑事傳疑信事傳信準春秋

修史官員

都總裁

開府儀同三司上柱國錄軍國重事中書右丞相膠

國史領 經筵事臣脫脫

總裁官

光祿大夫中書平章政事知 經筵事提調都水

監臣睦爾達世

榮祿大夫中書平章政事知 經筵事臣賀惟一

翰林學士承 旨榮祿大夫知 制誥兼修國

史臣張起巖

翰林學士資善大夫知制誥同修國史臣歐陽玄

集賢侍講學士通奉大夫兼國子祭酒臣呂思誠

翰林侍講學士中奉大夫知制誥同修國

史同知經筵事臣揭傒斯

纂修官

正議大夫兵部尚書臣廉惠山海牙

翰林直學士朝請大夫知制誥同修國史兼

經筵官臣王沂

文林郎秘書監著作佐郎臣徐昂

將仕佐郎翰林國史院編修官臣陳繹曾

提調官

資德大夫中書右丞 臣

伯彥

榮祿大夫中書左丞 臣

姚庸

奉議大夫叅議中書省事 臣

長仙

通議大夫叅議中書省事 臣

呂彬

朝散大夫中書右司郎中 臣

悟良哈台

嘉議大夫中書左司郎中 臣

趙守禮

亞中大夫中書左司員外郎 臣

楔哲篤

亞中大夫中書左司員外郎 臣

何執禮

儒林郎右司都事 臣

觀音奴

奉議大夫左司都事

臣

烏古孫良楨

嘉議大夫禮部尚書

臣

王守誠

中憲大夫工部尚書

臣

丁元

奉議大夫禮部侍郎

臣

老老

嘉議大夫禮部侍郎

臣

杜秉彝

遼史目錄

本紀三十卷

第一

遼史一

太祖上

第二

遼史二

太祖下

第三

遼史三

太宗上

第四

遼史四

太宗下

第五

遼史五

世宗

第六

遼史六

穆宗上

第七

遼史七

穆宗下

第八

遼史八

景宗上

第九

遼史九

景宗下

第十

遼史十

聖宗一

第十一

遼史十一

聖宗二

第十二

遼史十二

聖宗三

第十三

遼史十三

聖宗四

第十四

遼史十四

聖宗五

第十五

遼史十五

聖宗六

遼史十六

第十六

聖宗七

遼史十七

第十七

聖宗八

遼史十八

第十八

興宗一

遼史十九

第十九

興宗二

第二十

遼史二十

興宗三

第二十一

遼史二十一

道宗一

第二十二

遼史二十二

道宗二

第二十三

遼史二十三

道宗三

第二十四

遼史二十四

道宗四

第二十五

遼史二十五

道宗五

第二十六

遼史二十六

道宗六

第二十七

遼史二十七

天祚一

第二十八

遼史二十八

天祚二

第二十九

遼史二十九

天祚三

第三十

遼史三十

天祚四

志三十一卷

第一

遼史三十一

營衛上

宮衛

第二

遼史三十二

營衛中

捺鉢

部族上

第三

遼史三十三

營衛下

部族下

第四

遼史三十四

兵衛上

兵制

第五

遼史三十五

兵衛中

御帳親軍

宮衛騎軍

大首領軍

衆部族軍

第六

遼史三十六

兵衛下

五京鄉丁

屬國軍

邊境戍兵

第七

遼史三十七

地理一

上京道

第八

遼史三十八

地理二

東京道

第九

遼史三十九

地理三

中京道

第十

遼史四十

地理四

南京道

第十一

遼史四十一

地理五

西京道

第十二

遼史四十二

曆象上

大明曆元

第十三

遼史四十三

曆象中

閏考

朔考上

第十四

遼史四十四

曆象下

朔考下

象

刻漏

官星

第十五

遼史四十五

百官一

北面上

第十六

遼史四十六

百官二

北面下

第十七上

遼史四十七

百官三

南面上

第十七下

遼史四十八

南面下

第十八

遼史四十九

禮一

吉儀

第十九

遼史五十

禮二

凶儀

第二十

遼史五十一

禮三

軍儀

禮四

賓儀

第二十二

遼史五十二

禮五

嘉儀上

第二十三

遼史五十三

禮六

嘉儀下

第二十四

遼史五十四

樂

國樂

雅樂

大樂

散樂

鼓吹樂

橫吹樂

第二十四

遼史五十五

儀衛一

國輿

漢輿

第二十五

遼史五十六

儀衛二

國服

漢服

第二十六

遼史五十七

儀衛三

符印

第二十七

遼史五十八

儀衛四

國仗

渤海仗

漢仗

鹵簿儀仗總目

第二十八

遼史五十九

食貨上

第二十九

遼史六十

食貨下

第三十

遼史六十一

刑法上

第三十一

遼史六十二

刑法下

表八卷

第一

遼史六十三

世表

第二

遼史六十四

皇子表

第三

遼史六十五

公主表

第四

遼史六十六

皇族表

第五

遼史六十七

外戚表

第六

遼史六十八

遊幸表

第七

遼史六十九

部族表

第八

遼史七十

屬國表

列傳四十六卷

第一

遼史七十一

后妃

肅祖昭烈皇后蕭氏

懿祖莊敬皇后蕭氏

玄祖簡獻皇后蕭氏

德祖宣簡皇后蕭氏

太祖淳欽皇后述律氏

太宗靖安皇后蕭氏

世宗懷節皇后蕭氏

世宗妃甄氏

穆宗皇后蕭氏

景宗睿知皇后蕭氏

聖宗仁德皇后蕭氏

聖宗欽哀皇后蕭氏

興宗仁懿皇后蕭氏

興宗貴妃蕭氏

道宗宣懿皇后蕭氏

道宗惠妃蕭氏

天祚皇后蕭氏

天祚德妃蕭氏

天祚文妃蕭氏

天祚元妃蕭氏

第二

遼史七十二

宗室

義宗

倍

子平王隆先

晉王道隱

章肅皇帝

李胡

子宋王喜隱

順宗

濬

晉王救盧幹

第三

遼史七十三

耶律曷魯

蕭敵魯

阿古只

耶律斜捏赤

老古

頗德

耶律欲穩

耶律海里

第四

遼史七十四

耶律敵刺

蕭痕篤

康默記 延壽

韓延徽 德樞 紹勳 紹芳 資讓

韓知古 匡嗣 德原

德凝

第五

遼史七十五

耶律覲烈 羽之

耶律鐸臻 古突呂不

王郁

耶律圖魯君

第六

遼史七十六

耶律解里

耶律拔里得

耶律朔古

耶律魯不古

趙延壽

高模翰

趙思溫

耶律溫里思

張礪

第七

遼史七十七

耶律屋質

耶律吼 何魯不

耶律安搏

耶律注

耶律頽昱

耶律撻烈

第八

遼史七十八

耶律夷腦葛

蕭海瓌

蕭護思

蕭思溫

蕭繼先

第九

遼史七十九

室昉

耶律賢適

女里

郭襲

耶律阿沒里

第十

遼史八十

張儉

邢杓朴

馬德臣

蕭朴

耶律八哥

第十一

遼史八十一

耶律室魯 歐里斯

王繼忠

蕭孝忠

陳昭衮

蕭合卓

第十二

遼史八十二

耶律隆運 德威 滌魯 制心

耶律勃古哲 蕭陽阿

武白 蕭常哥

耶律虎古 磨魯古

第十三

遼史八十三

耶律休哥 馬哥

耶律斜軫

耶律奚底

耶律學古 烏不呂

第十四

遼史八十四

耶律沙

耶律抹只

蕭幹 討古

耶律善補

耶律海里

第十五

遼史八十五

蕭撻凜

蕭觀音奴

耶律題子

耶律諧理

耶律奴瓜

蕭柳

高勳

奚和朔奴

蕭塔烈葛

耶律撒合

第十六

遼史八十六

耶律合住

劉景

劉六符

耶律裏覆

牛溫舒

杜防

蕭和尚 特末

耶律合里只

耶律頗的

第十七

遼史八十七

蕭孝穆 撒八 孝友 孝先

蕭蒲奴

耶律蒲古

夏行美

第十八

遼史八十八

蕭敵烈

拔刺

耶律益奴

蕭排押

恒德匹敵

耶律資憲

耶律瑤質

耶律弘古

高王

耶律的祿

大康又

第十九

遼史八十九

耶律庶成

庶箴
蒲魯

楊哲

耶律韓留

楊倍

耶律和尚

第二十

遼史九十

蕭阿剌

耶律義先 信先

蕭陶隗

蕭塔剌葛

耶律敵祿

第二十一

遼史九十一

耶律韓八

耶律唐古

蕭木哲 藥師叔

耶律玦

耶律僕里篤

第二十二

遼史九十二

蕭奪刺

蕭普達

耶律侯哂

耶律古昱

耶律獨擲

蕭韓家

蕭烏野

第二十三

遼史九十三

蕭惠 慈氏友

蕭迂魯 鐸魯幹

蕭圖玉

耶律鐸軫

第二十四

遼史九十四

耶律化哥

耶律幹膈

耶律速撒

蕭阿魯帶

耶律那也

耶律阿魯掃古

耶律世良

第二十五

遼史九十五

耶律弘古

耶律馬六

蒲滴冽

耶律適祿

耶律陳家奴

耶律特麼

耶律仙童

蕭素颺

耶律大悲奴

第二十六

遼史九十六

耶律仁先 撻不也

耶律良

蕭韓家奴

蕭德

蕭惟信

蕭樂音奴

耶律敵烈

姚景行

耶律阿思

第二十七

遼史九十七

耶律幹特刺

孩里

竇景庸

耶律引吉

楊績

趙徽

王觀

耶律喜孫

第二十八

遼史九十八

蕭九納

耶律儼

劉伸

耶律胡呂

第二十九

遼史九十九

蕭巖壽

耶律撒剌

蕭速撒

耶律撻不也

蕭撻不也

蕭忽古

耶律石柳

第三十

遼史一百

耶律崇古

蕭得里底

蕭酬幹

耶律章奴

耶律朮者

第三十一

遼史一百一

蕭陶蘇幹

耶律阿息保

蕭乙薛

蕭胡篤

第三十二

遼史一百二

蕭奉先

李處溫

張琳

耶律余覲

第三十三

遼史一百三

文學

蕭韓家奴

第三十四

遼史一百四

文學

王鼎

耶律昭

劉輝

耶律孟簡

耶律谷欲

第三十五

遼史一百五

能吏

太公鼎

蕭文

馬人望

耶律鐸魯幹

楊遵勛

王棠

第三十六

遼史一百六

卓行

蕭扎刺

耶律官奴

蕭蒲离不

第三十七

遼史一百七

烈女

邢簡妻

耶律氏常哥

耶律奴妻

耶律朮者妻

耶律中妻

第三十八

遼史一百八

方技

直魯吉

主白

魏璘

耶律敵魯

耶律乙不哥

第三十九

遼史一百九

伶官

羅衣輕

宦官

王繼恩

趙安仁

第四十

遼史一百一十

遼史目錄
十九
蕭臣

耶律乙辛

張孝傑

耶律燕哥

蕭十三

第四十一

遼史一百一十一

蕭姦臣

蕭余里也

耶律合魯

蕭得裏特

蕭訛都幹

蕭達魯古

耶律塔不也

蕭圖古辭

第四十二

遼史一百一十二

逆臣

轄底 迭里時

察割

重元 涅魯古

滑哥

第四十二

遼史一百一十三

逆臣

蕭翰

耶律牒蠟

耶律朗

耶律劉哥 盆郎化葛里
奚寔

耶律海思

耶律敵獵

蕭葦

第四十四

遼史一百一十四

逆臣

蕭胡觀

蕭迭里得

古迭

耶律撒刺竹

奚回離保

蕭特烈

第四十五

遼史一百一十五

外紀

高麗

西夏

第四十六

遼史一百一十六

國語解

紀三十卷

志三十一卷

表八卷

列傳四十六卷

總一百一十六卷

校勘臣彭衡

岳信

楊鑄

牟思善

卜勝

揭模

遼史目錄終

本紀第一

遼史一

開府儀同三司上柱國錄軍國重事書省左丞相監修國史領經筵事都總裁臣脫脫奉

勅修

太祖上

太祖大聖大明神烈天皇帝姓耶律氏諱億字阿保機小字啜里只契丹迭刺部霞瀨益石烈鄉耶律彌里人德祖皇帝長子母曰宣簡皇后蕭氏唐咸通十三年生初母夢日墮懷中有娠及生室有神光異香體如三歲兒即能匍匐祖母簡獻皇后異之鞠為己子常匿於別幕陰其面不令他人見三月能行晬而能言知未然事自謂左右若有

神人翼衛雖齟齬言必及在務時伯父當國疑輒咨焉旣
長身長九尺豐上銳下目光射人關弓三百斤爲撻馬狝
沙里時小黃室韋不附太祖以計降之伐越兀及烏古六
奚比沙狻諸部克之國人號阿主沙里唐天復元年歲辛
酉痕德董可汗立以太祖爲本部夷离董專征討連破室
韋于厥及奚帥轄刺哥俘獲甚衆冬十月授大迭烈府夷
离董明年秋七月以兵四十萬伐河東伐北攻下九郡獲
生口九萬五千駝馬牛羊不可勝紀九月城龍化州于潢
河之南始建開教寺明年春伐女直下之獲其戶三百九
月復攻下河東懷遠等軍十月引軍冬略至薊北俘獲以

還先是德祖俘奚七千戶徙饒樂之清河至是創爲奚迭
刺部分十二縣遂拜太祖于越總知軍國事明年歲甲子
三月廣龍化州之東城九月討黑車子室韋唐盧龍節
度使劉黑發兵數萬遣養子趙霸來拒霸至武州太祖謀
知之伏勁兵桃山下遣室韋人牟里詐稱其酋長所遣約
霸兵會平原旣至四面伏發擒霸殲其衆乘勝大破室
韋明年七月復討黑車子室韋唐河東節度使李克用遣
通事康令德乞盟冬十月太祖以騎兵七萬會克用于雲
州宴酣克用借兵以報劉仁恭木瓜澗之役太祖許之易
袍馬約爲兄弟及進兵擊仁恭拔數州盡徙其民以歸明

年二月復擊劉仁恭還襲山北奚破之汴州朱全忠遣人
浮海奉書幣衣帶玳玩來聘十一月遣偏師討奚靈諸部
及東北女直之未附者悉破降之十二月痕德董可汗殂
群臣奉遺命請立太祖曷魯等勸進太祖三讓從之

元年春正月庚寅命有司設壇于如迂王集會塙燔柴告
天即皇帝位尊母蕭氏爲皇太后立皇后蕭氏北宰相蕭
轄刺南宰相耶律歐里思率群臣上尊號曰天皇帝后曰
地皇后庚子詔皇族承遙董氏九帳爲第十帳二月戊午
以從弟迭栗底爲迭剌府夷离董是月征黑車子室韋降
其八部夏四月丁未朔唐梁王朱全忠廢其主尋弒之自

立為帝國號梁遣使來告劉仁恭子守光囚其父自稱幽州盧龍軍節度使秋七月乙酉其兄平州刺史守奇率其衆數千人來降命置之平盧城冬十月乙巳討黑車子室韋破之

二年春正月癸酉朔御正殿受百官及諸國使朝辛巳始置楊隱典族屬以皇弟撒刺為之河東李克用子存勳襲遣使弔慰夏五月癸酉詔撒刺討烏九黑車子室韋秋八月壬子幽州進合歡瓜冬十月己亥朔建明王稜築長城於鎮東海口遣輕兵取吐渾叛入室韋者

三年春正月辛遼東二月丁酉朔梁遣郎公遠來聘三月

滄州節度使劉守文爲弟守光所攻遣人來乞兵討之命
皇弟舍利素夷离堇蕭敵魯以兵會守文於北淖口進至
橫海軍近淀一鼓破之守光潰去因名北淖口爲會盟口
夏四月乙卯詔左僕射韓知古建碑龍化州大廣寺以紀
功德五月甲申置羊城于炭山之北以通市易冬十月紀
已遣鷹軍討黑車子室韋破之西北唃娘改部族進輓車
人
四年秋七月戊子朔以后兄蕭敵魯爲北府宰相后族爲
相自此始冬十月烏馬山奚庫支及查刺底鋤勃德等
叛討平之

五年春正月丙戌朔日有食之丙申上親征西部奚奚阻
險叛服不常數招諭弗聽是役所向輒下遂分兵討東部
奚亦平之於是盡有奚薺之地東際海南暨白檀西踰松
漠北抵潢水凡五部咸入版籍三月次灤河刻石紀功復
略地薊州夏四月壬申遣人使梁五月皇弟刺葛送刺寅
底石安端謀反安端妻粘睦姑知之以告得實上不忍加
誅乃與諸弟登山刑牲告天地爲誓赦其罪出刺葛爲
送刺部夷离董封粘睦姑爲晉國夫人秋七月壬午朔斜
離底洎諸蕃使來貢八月甲子劉守光僭號幽州稱燕冬
十月戊午置鐵冶十一月壬午遣人使梁

六年春正月以化葛爲楊隱二月戊午親征劉守光三月
至自幽州夏四月梁郢王友珪弒父自立秋七月丙午親
征木不姑降之俘獲以數萬計命弟刺葛分兵攻平州八
月壬辰上次恩德山皇子李胡生冬十月戊寅刺葛破平
州還復與迭剌寅底石安端等反甲申遣人使梁致祭壬
辰還次北阿魯山聞諸弟以兵阻道引軍南趨十七灤是
日燔柴翼日次七渡河諸弟各遣人謝罪止猶矜憐許以
自新是歲以兵討兩冶以所獲僧崇文等五十人歸西樓
建天雄寺以居之以示天助雄武

七年春正月甲辰朔以用兵免朝晉王李存勗援幽州擒

劉守光甲寅王師次赤水城弟刺葛等乞降上素服乘赭
白馬以將軍耶律樂姑轄刺僅阿鉢爲御解兵器蕭侍衛
以受之因加慰諭刺葛等引退上復數遣使撫慰二月甲
戌朔梁均王友貞討殺其兄友珪嗣立三月癸丑次蘆朶
弟迭刺哥圖爲奚王與安端擁千餘騎而至給稱入覲上
怒曰爾曹始謀逆亂朕特恕之使改過自新尚爾反覆將
不利於朕遂拘之以所部分隸諸軍而刺葛引其衆至乙
室董浞具天子旗鼓將自立皇太后陰遣人諭令避去會
弭姑乃懷里陽言車駕且至其衆驚潰掠居民北走上以
兵追之刺葛遣其黨寅衣石引兵徑趨行宮焚其輜其廬

帳縱兵大殺皇后急遣蜀古魯救之僅得天子旗鼓而已
其黨神速姑復劫西樓焚明王樓上至土河秣馬休兵若
不爲意諸將請急追之上曰俟其遠遁人各懷土懷土既
切其心必離我軍棄之破之必矣盡以先所獲資畜分賜
將士留夷離畢直里姑總政務夏四月戊寅北追刺葛已
卯次彌里問諸弟面木葉山射鬼箭厭禳乃執叛人解里
向彼亦以其法厭之至達里淀選輕騎追及培只河盡獲
其黨輜重生口先遣室韋及吐渾酋長拔刺迪里姑等五
人分兵伏其前路命北宰相迪里古爲先鋒進擊之刺葛
率兵逆戰迪里古以輕兵薄之其弟遏古只臨陣射斃

人斃衆莫敢前相拒至晡衆乃潰追至柴河遂自焚其車
乘廬帳而去前遇拔刺迪里姑等伏發合擊遂大敗之刺
葛奔潰遺其所奪神帳於路上見而拜奠之所獲生口盡
縱歸本土其黨庫古只磨朵皆面縛請罪師次札堵河大
雨暴漲五月癸丑遣北宰相迪楚率驍騎先渡甲寅奏擒
刺葛涅里袞阿鉢於榆河前北宰相蕭實魯寅底石自剄
不殊遂以黑白羊祭天地壬戌刺葛涅里袞阿鉢詣行在
以橐索自縛牽羊望拜上還至太嶺時大軍久出輜重不
相屬士卒煮馬駒採野菜以爲食孳畜道斃者七八物
賈十倍器服資貨委棄於楚里河狼藉數百里因更刺葛

名暴里丙寅至庫里以青牛白馬祭天地以生口六百馬
二千三百分賜大小鶻軍六月辛巳至榆嶺以轄賴縣人
掃古非法殘民磔之甲申上登都庵山撫其先竒首可汗
遺跡徘徊顧瞻而興歎焉聞獄官涅离擅造大校人不堪
其苦有至死者命誅之壬辰次狼河獲逆黨雅里彌里生
獐之銅河南軌下放所俘還多爲于骨里所掠上怒引輕
騎馳擊復遣驍將分道追襲盡獲其衆并掠者庚子次
阿敦灤以養子涅里思附諸弟叛以鬼箭射殺之其餘黨六
千各以輕重論刑于厥掠生口者三十餘人亦俾贖其罪
放歸本部至石嶺西詔收回軍乏食所棄兵仗召北府兵

驗而還之以夷离董涅里衮附諸弟爲叛不忍顯戮命自
投崖而死秋八月己卯幸龍眉宮輟逆黨二十九人以其
妻女賜有功將校所掠珍寶孳畜還主亡其本物者命責
償其家不能償者賜以其部曲九月壬戌上發自西樓冬
十月庚午駐赤崖戊寅和州回鶻來貢癸未乙室府人迪
里古迷骨剌部人特里以從逆誅詔群臣分決滯訟以韓
知古錄其事只里姑掌捕亡十一月桐木葉山還次昭烏
山省風俗見高年議朝政定吉凶儀十二月戊子燔柴于
蓮花灤

八年春正月甲辰以曷魯魯爲迭刺部夷离董烈烈爲惕隱

于骨里部人特勇敏執逆黨怖胡亞里只等十七人來獻
上親鞫之辭多違宗室及有脅從者乃杖殺首惡怖胡餘
並原釋于越率懶之子化哥屢妻婁怒謀上每優容之而反
覆不悛召父老群臣正其罪并其子戮之分其財以給衛
士有司所鞫逆黨三百餘人獄既具上以人命至重死不
復生賜宴一日隨其平生之好使爲之酒酣或歌或舞或
戲射角觝各極其意明日乃以輕重論刑首惡刺葛其次
迭刺哥上猶弟之不忍寘法杖而釋之以寅底石安端性
本庸弱爲刺葛所使皆釋其罪前于越赫底里子解里刺
葛妻轄刺已實預逆謀命皆絞殺之寅底石妻涅离脅從

安端妻粘睦姑嘗有忠告並免因謂左右曰諸弟性雖敏
黠而蓄姦稔惡嘗自矜有出人之智安忍兇狠豁擊竒塞
而貪黷無厭求人之失雖小而可恕謂重如泰山身行不
義雖入大惡謂輕於鴻毛嗟比羣小謀及婦人同惡相濟
以危國祚雖欲不敗其可得乎北宰相實魯妻餘盧親姑
於國至親一旦負朕從于叛逆未寘之法而病死此天誅
也解里自幼與朕常同寢食眷遇之厚冠於宗屬亦與其
父背大恩而從不軌茲可恕乎秋七月丙申朔有司上諸
帳族與謀逆者三百餘人罪狀皆棄市上嘆曰致人于死
豈朕所欲若上負朕躬尚可容貸此曹恣行不道殘害忠

良塗炭生民剽掠財產民間昔有萬馬今皆徒步有國以
來所未嘗有實不得已而誅之冬十月甲子朔建開皇殿
於明王樓基

九年春正月烏古部叛討平之夏六月幽州軍校齊行本
舉其族及其部曲男女三千人請降詔授檢校尚書左僕
射賜名元欲給其廩食數日亡去幽帥周德威納之及詔
索之德威語不遜乃議南征冬十月戊申釣魚于鴨綠江
新羅遣使貢方物高麗遣使進寶劍吳越王錢鏐遣滕彥
休來貢是歲君基太一神數見詔圖其像神冊元年春二
月丙戌朔上在龍化州造烈部夷离董耶律曷魯等率百

僚請上尊號三表乃允丙申群臣及諸屬國築壇州東上
尊號曰大聖大明天皇帝后曰應天大明地皇后大赦建
元神冊初闕地爲壇得金鈴因名其地曰金鈴岡壇側滿
林曰冊聖林三月丙辰以迭烈部夷董曷魯爲阿廬朶
里于越百僚進秩頒賚有差賜酺三日立子倍爲皇太子
夏四月乙酉朔晉幽州節度使盧國用來降以爲幽州兵
馬留後甲辰梁遣郎公遠來賀六月庚寅吳越王遣滕彥
休來貢秋七月壬申親征突厥吐渾党項小蕃沙陀諸部
皆平之俘其酋長及其戶萬五千六百鎧甲兵仗器服九
十餘萬竄其負駝馬牛羊不可勝算八月拔朔州擒節度使

李嗣本勒石紀功於青塚南冬十月癸未朔乘勝而東十一月攻蔚新武媯儒五州斬首萬四千七百餘級自代北至河曲踰陰山盡有其地遂改武州爲歸化州媯州爲可汗州置西南面招討司選有功者領之其圍蔚州敵樓無故自壞衆軍大譟乘之不踰時而破時梁及吳越二使皆在焉詔引環城觀之因賜滕彥休名曰述呂十二月收山北八軍

二年春二月晉新州裨將盧文進殺節度使李存矩來降進攻其城刺史安金全遁以文進部將劉殷爲刺史三月辛亥攻幽州節度使周德威以幽并鎮定魏五州之兵拒

于居庸關之西合戰於新州東大破之斬首二萬餘級殺
李嗣本之子武八以后弟阿骨只爲統軍實魯爲先鋒東
出關略燕趙不遇敵而還己未于骨里叛命室魯以兵討
之夏四月壬午圍幽州不克六月乙巳望城中有氣如煙
火狀上曰未可攻也以大暑霖潦班師留曷魯盧國用守
之刺葛與其子賽保里叛入幽州秋八月李存勗遣李嗣
源等救幽州曷魯等以兵少而還

三年春正月丙申以皇弟安端爲大內惕隱命攻雲州及
西南諸部二月達旦國來聘癸亥城皇都以禮部尚書康
默記充版築使梁遣使來聘晉吳越渤海高麗回鶻阻卜

党項及幽鎮定魏潞等州各遣使來貢夏四月乙巳皇弟
迭烈哥謀叛事覺知有罪當誅預爲營壙而諸戚請免上
素惡其弟寅底石妻涅里衮乃曰涅里衮能代其死則從
涅里衮自縊壙中并以奴女古叛人曷魯只生瘞其中遂
赦迭烈哥五月乙亥詔建孔子廟佛寺道觀秋七月乙酉
于越曷魯薨上震悼久之輟朝三日贈賻有加冬十二月
庚子朔幸遼陽故城辛丑北府宰相蕭敵魯薨戊午以于
越曷魯弟汗里軫爲迭烈部夷虜董蕭阿古只爲北府宰
相甲子皇孫隈欲生

本紀第一

本紀第二

遼史二

開府儀同三司柱國錄軍國重事書表相監修國史領經筵事都總管朕脫奉

勅修

太祖下

四年春正月丙申射扁東山二月丙寅修遼陽故城以漢
民渤海戶實之改為東平郡置防禦使夏五月庚辰至自
東平郡秋八月丁酉謁孔子廟命皇后皇太子分謁寺觀
九月征烏古部道聞皇太后不豫一日馳六百里還侍太
后病間復還軍中冬十月丙午次烏古部天大風雪兵不
能進上禱于天俄頃而霽命皇太子將先鋒軍進擊破之

俘獲生口萬四千二百牛馬車乘廬帳器物二十餘萬自
是舉部來附

五年春正月乙丑始製契丹大字夏五月丙寅吳越王復
遣滕彥休貢犀角珊瑚授官以遣庚辰有龍見于拽刺山
陽水上上射獲之藏其骨內府閏六月丁卯以皇弟蘇爲
惕隱康默記爲夷離畢秋八月己未朔党項諸部叛辛未
上親征九月己丑朔梁遣郎公遠來聘壬寅大字成詔頒
行之皇太子率迭刺部夷離董汙里軫等略地雲內天德
冬十月辛未攻天德癸酉節度使宋瑤降賜弓矢鞍馬旗
鼓更其軍曰應天甲戌班師宋瑤復叛丙子拔其城擒宋

瑤俘其家屬徙其民於陰山南十二月己未師還

六年春正月丙午以皇弟蘇爲南府宰相迭里爲惕隱南
府宰相自諸弟構亂府之各族多惟其禍故其位久虛以
鋤得部轄得里只里古攝之府中數請擇任宗室上以舊
制不可輒變請不已乃告于宗廟而後授之宗室爲南府
宰相自此始夏五月丙戌朔詔定法律正班爵丙申詔畫
前代直臣像爲招諫圖及詔長吏四孟月詢民利病六月
乙卯朔日有食之冬十月癸丑朔晉新州防禦使王郁以
所部山北兵馬內附丙子上率大軍入居庸關十一月癸
卯下古北口丁未分兵略檀順安遠三河良鄉望都路滿

城遂城等十餘城俘其民徙內地十二月癸丑王郁率其
衆來朝上呼郁爲子賞賚甚厚而徙其衆于潢水之南庚
申皇太子率王郁略地定州康默記攻長蘆晉義武軍節
度使王處直養子都因其父自稱留後癸亥圍涿州有白
兔緣壘而上是日破其郭癸酉刺史李嗣弼以城降乙亥
存勗至定州王都迎謁馬前存勗引兵趨望都遇我軍禿
餒五千騎圍之存勗力戰數四不解李嗣昭領三百騎來
救我軍少却存勗乃得出大戰我軍不利引歸存勗至幽
州遣二百騎躡我軍後我軍反擊悉擒之己卯還次檀州
幽人來襲擊走之擒其裨將詔徙檀順民于東平瀋州

天贊元年春二月庚申復徇幽薊地癸酉詔改元赦軍前
殊死以下夏四月甲寅攻薊州戊午拔之擒刺史胡瓊以
盧國用涅魯古典軍民事壬戌大饗軍士癸亥李存勗圍
鎮州張文禮求援命郎君迭烈將軍康末怛往擊敗之殺
其將李嗣昭辛未攻石城縣拔之五月丁未張文禮卒其
子處瑾遣人奉表來謝六月遣鷹軍擊西南諸部以所獲
賜貧民冬十月甲子以蕭霞的爲北府宰相分迭刺部爲
二院斜涅赤爲北院夷离董縮思爲南院夷离董詔分北
大濃兀爲二部立兩節度使以統之十一月壬寅命皇子
堯骨爲天下兵馬大元帥略地薊北

二年春正月丙申大元帥堯骨克平州獲刺史趙思溫禪
將張崇二月如平州甲子以平州爲盧龍軍置節度使三
月戊寅軍于箭筈山討叛奚胡損獲之射以鬼箭誅其黨
三百人沉之狗河置奚墮瑰部以勃魯員權總其事夏四
月己酉梁遣使來聘具越王遣使來貢癸丑命堯骨攻幽
州迭剌部夷离董覲烈狗山西地庚申堯骨軍幽州東節
度使符存審遣人出戰敗之擒其將裴信父子閏月庚辰
堯骨抵鎮州壬午拔曲陽丙戌下北平是月晉王李存勗
即皇帝位國號唐五月戊午堯骨師還癸亥大饗軍士賞
賚有差六月辛丑波斯國來貢秋七月前北府宰相蕭阿

古貝及王郁狗地燕趙冬十月辛未朔日有食之己卯唐
兵滅梁

三年春正月遣兵略地燕南夏五月丙午以楊隱迭里爲
南院夷离董是月徙薊州民實遼州地渤海殺其刺史張
秀實而掠其民六月乙酉召皇后皇太子大元帥及二宰
相諸部頭等詔曰上天降監惠及烝民聖明王萬載一
遇朕既上承天命下統群生每有征行皆奉天意是以機
謀在已取舍如神國令既行人情大附外訛歸正遐邇無
愆可謂大含溟海安納泰山矣自我國之經營爲群方之
父母憲章斯在胤嗣何憂升降有期去來在我良籌聖會

自有契於天人衆國群王豈可化其凡骨三年之後歲在丙戌時值初秋必有歸虜然未終兩事豈負親誠日月非遙戒嚴是速聞詔者皆驚懼莫識其意是日大舉征吐渾党項阻卜等部詔皇太子監國大元帥堯骨從行秋七月辛亥曷刺等擊素昆那山東部旗破之八月乙酉至烏孤山以鵝祭天甲午次古單于國登阿里典壓得斯山以鹿鹿祭九月丙申朔次古田鵠城勒石紀功庚子拜日于蹕林丙午遣騎攻阻卜南府宰相蘇南院夷齒董迭里略地西南乙卯蘇等獻俘丁巳鑿金河水取烏山石輦致潢河木葉山以示山川朝海宗嶽之意癸亥大食國來貢甲子

詔確關過可汗故碑以契丹突厥漢字紀其功是月破胡
母思山諸蕃部次業得思山以赤牛青馬祭天地回鶻霸
里遣使來貢冬十月丙寅朔獵寓樂山獲野獸數千以充
軍食丁卯軍于霸離思山遣兵踰流沙授浮圖城盡取西
鄙諸部十一月乙未朔獲甘州回鶻都督畢離遏因遣使
諭其主烏母主可汗射虎于烏刺邪里山抵霸室山六百
餘里且行且獵日有鮮食軍士皆給

四年春正月壬寅以捷報皇后皇太子二月丙寅大元帥
堯骨略党項丁卯皇后遣康末怛問起居進御服酒膳乙
亥蕭阿古只略燕趙還進牙旗兵仗辛卯堯骨獻党項俘

三月丙申饗軍于水精山夏四月甲子南攻小蕃下之皇
后皇太子迎謁於札里河癸酉回鶻烏母主可汗遣使貢
謝五月甲寅清暑室韋北陁秋九月癸巳至自西征冬十
月丁卯唐以滅梁來告即遣使報聘庚辰日本國來貢辛
巳高麗國來貢十一月丁酉幸安國寺飯僧赦京師囚縱
五坊鷹鷂已酉新羅國來貢十二月乙亥詔曰所謂兩事
一事已畢惟渤海世讎未雪豈宜安駐乃舉兵親征渤海
大誣譏皇后皇太子大元帥堯骨皆從閏月壬辰祠木葉
山壬寅以青牛白馬祭天地于烏山已酉次撒葛山射鬼
箭丁巳次商嶺夜圍扶餘府

天顯元年春正月己未白氣貫日庚申拔扶餘城誅其守
將丙寅命惕隱安端前北府宰相蕭阿古只等將萬騎爲
先鋒遇謹讞老相兵破之皇太子大元帥堯骨南府宰相
蘇北院夷离董斜涅赤南院夷离董迭里是夜圍忽汗城
己巳謹讞請降庚午駐軍于忽汗城南辛未謹讞素服橐
索牽羊率僚屬三百餘人出降上優禮而釋之甲戌詔諭
渤海郡縣丙子遣近侍康末怛等十三人入城索兵器爲
邏卒所害丁丑謹讞復叛攻其城破之駕幸城中謹讞請
罪馬前詔以兵衛謹讞及族屬以出祭告天地復還軍中
二月庚寅安邊鄭頡南海定理等府洎諸道節度刺史來

通鑑卷二
朝慰勞遣之以所獲器幣諸物賜將士壬辰以青牛白馬
祭天地大赦改元天顯以平渤海遣使報唐甲午復幸忽
汗城闕府庫物賜從臣有差以奚部長勃魯息王郁自回
鶻新羅吐蕃党項室韋沙陀烏古等從征有功優加賞賚
丙午改渤海國爲東丹忽汗城爲天福冊皇太子倍爲人
皇王以主之以皇弟迭刺爲左大相渤海老相爲右大相
渤海司徒大素賢爲左次相耶律羽之爲右次相赦其國
內殊死以下丁未高麗滅貊鐵驪靺鞨來貢三月戊午遣
夷裔畢康默記左僕射韓延徽攻長嶺府甲子祭天丁卯
幸人皇王宮己巳安邊鄭頡定理三府叛遣安端討之丁

丑三府平壬午安端獻倖誅安邊府叛帥二人癸未宴東
丹國僚佐頒賜有差甲申幸天福城乙酉班師以大諲譔
舉族行夏四月丁亥朔次繳子山辛卯人皇王率東丹國
僚屬辭是月唐養子李嗣源反郭存謙弑其主存勗嗣源
遂即位五月辛酉南海定理二府復叛大元帥堯骨討之
六月丁酉二府平丙午次慎州唐遣姚坤以國哀來告秋
七月丙辰鐵州刺史衛鈞反乙丑堯骨攻拔鐵州庚午東
丹國左大相送刺卒辛未衛送太諲譔于皇都西築城以
居之賜諲譔名曰烏魯古妻曰阿里只盧龍行軍司馬張
崇叛奔唐甲戌次扶餘府上不豫是夕大星隕于帳前辛

已平白于城上見黃龍繚繞可長一里光耀奪目入于行宮有紫黑氣蔽天踰日乃散是日上崩年五十五天贊三年上所謂丙戌秋初必有歸處至是乃驗壬午皇后稱制權決軍國事八月辛卯康默記等攻下長嶺府甲午皇后奉梓宮西還壬寅堯骨討平諸州奔赴行在乙巳人皇王倍繼至九月壬戌南府宰相蘇薨丁卯梓宮至皇都權殯于子城西北己巳上謚昇天皇帝廟號太祖冬十月盧龍軍節度使盧國用叛奔于唐十一月丙寅殺南院夷離董耶律迭里郎君耶律匹魯等二年八月丁酉葬太祖皇帝于祖陵置祖州天城軍節度使以奉陵寢統和二十六年

七月進謚大聖大明天皇帝重熙二十一年九月加謚大
聖大明神烈天皇帝太祖所崩行宮在扶餘城西南兩河
之間後建昇天殿于此而以扶餘為黃龍府云

贊曰遼之先出自炎帝世為審吉國其可知者蓋自竒首
云竒首生都菴山徒潢河之濱傳至雅里始立制度置官
屬刻木為契穴地為牢讓阻午而不肯自立雅里生毗牒
毗牒生頽頽頽頽生釋里思大度寡欲令不嚴而人化是
為肅祖肅祖生薩刺德嘗與黃室韋挑戰矢貫數札是為
懿祖懿祖生勻德實始教民稼穡善畜牧國以殷富是為
玄祖玄祖生撒刺的仁民愛物始置鐵冶教民鼓鑄是為

德祖即太祖之父也世爲契丹遙輦氏之夷高董執其政
柄德祖之弟述瀾北征于厥室韋南略易定奚霫始興板
築置城邑教民種桑麻習織組已有廣土衆民之志而太
祖受可汗之禪遂建國東征西討如折枯拉朽東自海西
至于流沙北絕大漠信威萬里歷年二百豈一日之故哉
周公誅管蔡人未有能非之者刺葛安端之亂太祖旣貸
其死而復用之非人君之度乎舊史扶餘之變亦異矣夫

本紀第三

開府儀同三司上柱國錄軍國重事書省丞相監修國史領經筵事都總裁臣脫脫奉

勅修

太宗上

太宗孝武惠文皇帝諱德光字德謹小字堯骨太祖第二子母淳欽皇后蕭氏唐天復二年生神光異常獵者獲白鹿白鷹人以爲瑞及長貌嚴重而性寬仁軍國之務多所取決天贊元年授天下兵馬太元帥尋詔統六軍南徇地明年下平州獲趙思溫張崇回破箭筈山胡遜奚諸部悉降復以兵掠鎮定所至皆堅壁不敢戰師次幽州符存審

拒于州南縱兵邀擊大破之擒裨將裴信等數十人及從
太祖破于厰里諸部定河壩党項下山西諸鎮取回鶻單
于城東平渤海破達廬古部東西萬里所向皆有功天顯
元年七月太祖崩皇后攝軍國事明年秋治祖陵畢冬十
一月壬戌人皇王倍率群臣請于后曰皇子大元帥勲望
中外攸屬宜承大統后從之是日即皇帝位癸亥謁太祖
廟丙寅行柴冊禮戊辰還都壬申御宣政殿群臣上尊號
曰嗣聖皇帝大赦有司請改元不許十二月庚辰尊皇太
后爲太皇太后皇后爲應天皇太后立妃蕭氏爲皇后禮
畢闕近侍班局辛巳諸道將帥辭歸鎮己丑祀天地庚寅

遣使諭諸國辛卯閱群牧于近郊戊戌女直遣使來貢壬寅謁太祖廟甲辰閱旗鼓客省諸局官屬丁未詔選遙輦氏九帳子弟可任官者

三年春正月己酉閱北剋兵籍庚戌閱南剋兵籍丁巳閱皮室拽刺墨離三軍己未黃龍府羅涅河女直達盧古來貢庚午以王郁爲興國軍節度使守中書令二月辛長灤己亥惕隱涅里袞進白狼辛丑達盧古來貢三月乙卯東蒐癸亥獵殺斃山乙丑獵松山唐義武軍節度使王都遣人以定州來歸唐主出師討之使來乞授命奚禿里鐵刺往救之四月戊寅東巡己卯祭麋鹿神丁亥於獵所縱公

通鑑卷三十一
私取羽毛革木之材甲午取箭材赤山丙申獵三山鐵刺
敗唐將王晏球于定州唐兵大集鐵刺請益師辛丑命惕
隱涅里衮都統查刺赴之五月丙午建天膳堂獵索刺山
戊申至自獵丁卯命林牙突呂不討烏古部己巳女直來
貢六月己卯行瑟瑟禮秋七月丁未突呂不獻討烏古捷
壬子王都奏唐兵破定州鐵刺死之涅里衮查刺等數十
人被執上以出師非時甚悔之厚賜戰歿將校之家庚午
有事于太祖廟八月丙子突厥來貢庚辰詔建應天皇帝太
后誕聖碑于儀坤州九月己卯突呂不遣人獻討烏古俘
癸未詔分賜群臣己丑幸人皇王倍第庚寅遣人使唐辛

卯再幸人皇王第癸巳有司請以上生日爲天授節皇太
后生日爲永寧節冬十月癸卯朔以永寧節上率群臣上
壽於延和宮己酉謁太祖廟唐遣使遺玉笛甲子天授節
上御五鸞殿受群臣及諸國使賀十一月丙子鼻骨德來
貢辛丑自將伐唐十二月癸卯祭天地庚戌聞唐主復遣
使來聘上問左右皆白唐數遣使來實畏威也未可輕舉
觀釁而動可也上然之甲寅次杏鳩唐使至遂班師時人
皇王在皇都詔遣耶律羽之遷東丹民以實東平其民或
亡入新羅女直因詔困乏不能遷者許上國富民給贍而
隸屬之升東平郡爲南京

四年春正月壬申朔宴群臣及諸國使觀俳優角觝戲巳
卯如瓜塢二月庚戌閱遙輦氏戶籍三月甲午望祀群神
夏四月辛亥至自瓜塢壬子謁太祖廟癸丑謁太祖行宮
甲寅幸天城軍謁祖陵辛酉人皇王倍來朝癸亥錄囚五
月癸酉謁二儀殿宴群臣女直來貢戊子射柳子太祖行
宮癸巳行瑟瑟禮六月丙午突呂不獻烏古俘戊申分賜
將士巳酉西巡巳未選輕騎數千獵近山癸亥駐蹕涼陁
秋七月庚辰觀市曲赦繫囚甲午祠太祖而東八月辛丑
至自涼陁謁太祖廟癸卯幸人皇王第巳酉謁太祖廟九
月庚午如南京戊寅祠木葉山巳卯行再生禮癸巳至南

京冬十月壬寅幸人皇王第宴群臣甲辰幸諸營閱軍籍
庚戌以雲中郡縣未下大閱六軍甲子詔皇弟李胡帥師
趣雲中討郡縣之未附者十一月丙寅朔以出師告天地
丁卯饒皇弟李胡于西郊壬申命大內惕隱告出師于太
祖行宮甲申觀漁三义口十二月戊申女直來貢戊午至
自南京

五年春正月庚午皇弟李胡拔寰州捷至甲午朝皇太后
二月己亥詔修南京癸卯李胡還自雲中朝于行在丙午
以先所俘渤海戶賜李胡丙辰上與太皇王朝皇太后太
后以皆工書命書于前以觀之辛酉召群臣議軍國事三

月丙寅朝皇太后丁卯皇弟李胡請赦宗室舍利郎君以
罪繫獄者詔從之己巳幸皇叔安端第辛未人皇正獻白
紵乙亥冊皇弟李胡為壽昌皇太子兼天下兵馬大元帥
壬午以龍化州節度使劉君言同中書門下平章事乙酉
宴人皇王僚屬便殿庚寅駕發南京夏四月乙未詔人皇
王先赴祖陵謁太祖廟丙辰會祖陵人皇王歸國五月戊
辰詔修裏潭離宮乙酉謁太祖廟己亥射柳于行在乙卯
如泂柳湖丁巳拜太祖御容于明殿己未敵烈德來貢秋
七月壬申烏古來貢戊子薦時果于太祖廟八月丁酉以
大聖皇帝皇后宴寢之所號日月宮曰建日月碑丙午如

九層臺九月己卯詔舍利並寧撫慰人皇王庚辰詔置人
皇王儀衛丁亥至自九層臺謁及祖廟冬十月戊戌遣使
賜人皇王昨癸卯建太祖聖功碑于如迂正集會塢甲辰
人皇王進玉笛十一月戊寅東丹奏人皇王浮海道唐

六年春正月甲子西南邊將以慕化轄戛斯國人來乙丑
敵烈德來貢丁卯如南京三月辛未召大臣議軍國事丁
亥人皇王倍妃蕭氏率其國僚屬來見夏四月己酉唐遣
使來聘是月置中臺省于南京五月乙丑祠木葉山乙亥
至自南京壬午謁太祖陵閏月庚寅射柳于近郊六月壬
申如涼陞壬午烏古來貢秋七月丁亥女直來貢己酉命

將校以兵南略壬子薦時果于太祖廟東辛八月庚申皇子述律生告太祖廟辛巳鼻骨德來貢九月甲午詔修京城冬十月丁丑鐵驪來貢十一月乙酉唐遣使來聘十二月甲寅朔祭太祖廟丙辰遣人以詔賜唐盧龍軍節度使趙德鈞

七年春正月壬辰征西將軍課里遣拽刺鐸括奏軍事己亥唐遣使來聘癸卯遣人使唐戊申祠木葉山二月壬申拽刺迪德使吳越還吳越遣使從獻寶器復遣使持幣往報之三月己丑林牙迪離畢指斥乘輿囚之丁未遣使諸國戊申上率群臣朝于皇太后夏四月甲戌唐遣使來

聘致人皇王倍書己卯女直來貢五月壬午朔幸祖州謁
太祖陵六月戊辰御製太祖建國碑戊寅烏古敵烈德來
貢庚辰觀角觝戲秋七月辛巳朔賜中外官吏物有差癸
未賜高年布帛丙戌召群臣耆老議政壬辰唐遣使遣紅
牙笙癸巳使復至懼報定州之役也壬寅唐盧龍軍節度
使趙德鈞遣人進時果丁未薦新于太祖廟八月壬戌捕
鵝于公柳湖風雨暴至舟覆溺死者六十餘人命存恤其
家識以爲戒戊辰林牙迪離畢逸囚復獲而鞫之知其事
本誣構釋之九月庚子阻卜來貢又十月乙卯唐遣使來
聘己巳遣使雲中十一月丁亥遣使存間獲里國丁未阻

通鑑卷一百一十五
下貢海東青鶻三十連十二月辛亥以叛人泥离袞客
分賜群臣丁巳西狩駐蹕平地松林

八年春正月戊子直來貢庚子命皇太弟李胡左威衛
上將軍撒剌率兵伐党項癸卯上親餞之二月辛亥吐谷
渾阻卜來貢乙卯克實魯使唐還以附獻物入賜群臣三
月辛卯皇太弟討党項勝還宴勞之丙申唐遣使請罷征
党項兵上以戰捷及党項已聽命報之夏四月戊午党項
來貢五月己丑獵獨牛山楊隱迪輦所乘內廐驢馬斃因
賜名其山曰騮山戊戌如汭柳湖六月甲寅阻卜來貢甲
子回鶻阿薩蘭來貢秋七月戊寅行納后禮癸未皇子提

离古生丁亥鐵驪女直阻卜來貢冬十月乙巳阻卜來貢
丙午至自汧柳湖辛亥唐遣使來聘己未遣拔刺使唐辛
未烏古吐魯沒來貢十一月辛丑太皇太后崩遣使告哀
于唐及人皇王倍是月唐主嗣源殂子從厚立十二月丁
卯党項來貢

九年春正月癸酉漁于土河丙申党項貢馳鹿己亥南京
進白麀閏月戊午唐遣使告哀即日遣使弔祭壬戌東幸
女直來貢二月壬申祠木葉山戊寅葬太皇太后于德陵
前二日發喪于殿塗殿上具衰服以送後追謚宣簡皇后
詔建碑于陵三月癸卯女直來貢夏四月唐李從珂弒其

主自立人皇王倍自唐上書請討五月甲辰如汧柳湖癸
丑女直來貢大星晝墮六月己巳朔鼻骨德來貢辛未唐
李從厚謝弔祭所遣使初至關秋八月壬午自將南伐乙
酉拽刺解里手接飛鴈上異之因以祭天地九月庚子西
南星墮如兩乙卯次雲州丁巳拔河陰冬十月丁亥略地
靈丘父老進牛酒犒師十一月辛丑圍武州之陽城壬寅
陽城降癸卯注只城降括所俘丁壯籍于軍十二月壬辰
皇子阿鉢撒葛里生皇后不豫是月駐蹕百湖之西南
十年春正月戊申皇后崩于行在二月戊寅百僚請加追
謚不許辛巳宰相涅里袞謀南奔事覺執之三月戊午党

項來貢夏四月吐谷渾酋長退欲德率衆內附丙戌皇太后父族及母前夫之族二帳並爲國舅以蕭緬思爲尚父領之己丑錄囚五月甲午朔始製服行后喪丙午葬于奉陵上自製文謚曰彰德皇后癸丑以舍利王庭鸚爲龍化州節度使六月乙丑吐渾來貢辛未幸品不里定秋七月乙卯獵南赤山冬十一月丙午幸弘福寺爲皇后飯僧見觀音畫像乃大聖皇帝應天皇后及人皇王所施顧左右曰昔與父母兄弟聚觀于此歲時未幾今我獨來悲嘆不已乃自製文題于壁以極追感之意讀者悲之十二月庚辰如金瓶灤遣棧刺化哥窟魯里阿魯掃姑等捉生敵境

十一年春正月釣魚于土河庚申如潢河三月庚寅朔女
直來貢夏四月庚申謁祖陵戊辰還都謁太祖廟辛未燕
民之復業者陳汴州事宜癸酉女直諸部來貢癸未賜回
鶻使衣有差五月戊戌清暑泂柳湖六月戊午朔鼻骨德
來貢乙酉吐谷渾來貢秋七月辛卯烏古來貢壬辰蒲割
額公主率三河烏古來朝丙申唐河東節度使石敬瑭爲
其主所討遣趙瑩因西南路招討盧不姑求救上白太后
曰李從珂弑君自立神人共怒宜行天討時趙德鈞亦遣
使至河東復遣桑維翰來告急遂許興師八月己未遣蕭
轄里報河東師期丙寅吐谷渾來貢庚午自將以援敬瑭

九月癸巳有飛鷲自墜而死南府夷離董曷魯恩得之以
獻卜之吉上曰此從珂自滅之兆也丁酉入鴈門戊戌次
忻州祀天地己亥次太原庚子遣使諭敬瑭曰朕與師遠
來當即與卿破賊會唐將高行周符彥卿以兵來拒遂勒
兵陳于太原及戰佯爲之却唐將張敬達楊光遠又陳于
西未成列以兵薄之而行周彥卿爲伏兵所斷首尾不相
救敬達光遠大敗棄仗如山斬首數萬級敬達走保晉安
寨夷離董的魯與戰死之敬瑭率官屬來見上執手撫慰
之癸卯圍晉安甲辰以的魯子徒離骨嗣爲夷離董仍以
父字爲名以旌其忠南宰相鶻葛底美監軍寅你己將軍

陪阿臨陳退懦上召切責三冬十月甲子封敬瑭爲晉王
幸其府敬瑭與妻李率其親屬捧觴上壽初圍晉安分遣
精兵守其要害以絕援兵之路而李從珂遣趙延壽以兵
二萬屯團柏谷范延廣以兵二萬屯遼州幽州趙德鈞以
所部兵萬餘由上黨趨延壽軍合勢進擊知此有備皆逗
遛不進從珂遂將精騎三萬出次河橋親督諸軍然知其
不救但日酣飲悲歌而已丁卯召敬瑭至行在所賜坐上
從容語之曰吾三千里舉兵而來一戰而勝殆天意也觀
汝雄偉弘大宜受茲南土世爲我藩輔遂命有司設壇晉
陽備禮冊命十一月丁酉冊敬瑭爲大晉皇帝自戊戌至

戊申候騎兩奏南有兵至復於西有兵至命惕隱迪董注
拒之敬達在圍八十餘日內外隔絕軍儲殆盡至濯馬糞
屑木以飼馬馬飢至自相啖其驢尾死則以充食光遠等
勸敬達出降敬達曰吾有死而已爾欲降寧斬吾首以降
閏月甲子楊光遠安審琦殺敬達以降上聞敬達至死不
變謂左右曰凡爲人臣當如此也命以禮葬所降軍士及
馬五千匹以賜晉帝丙寅祀天地以告成功庚午僕射蕭
酷古只奏趙德鈞等諸援兵將遁詔夜散兵追擊德鈞等
軍皆投戈棄甲自相蹂踐擠于山谷者不可勝紀仍命皇
太子馳輕騎據險要追及步兵萬餘悉降之辛未兵度團

柏谷以酒有祀天地俄追及德鈞父子乃率衆降次潞州
召諸將議皆請班師從之命南宰相解頡離底美監軍
寅你己將軍陪阿先還壬申惕隱洼林牙迪離畢來獻俘
晉帝辭歸上與宴飲酒酣執手約爲父子以白貂裘一廐
馬二十戰馬千二百錢之命迪離畢將五千騎送入洛臨
別謂之曰朕留此候亂定乃還耳辛巳晉帝至河陽李從
珂窮蹙召人皇王倍同死不從遣人殺之乃舉族自焚詔
收其士卒戰歿者瘞之汾水上以爲京觀晉命桑維翰爲
文紀上功德十二月乙酉朔遣近侍捷魯存問晉帝丙戌
以晉安所獲分賜將校戊子遣使馳奏皇太后及報諸道

師還庚寅發太原辛卯聞晉帝入洛遣郎君解里德撫問
壬辰次細河關降將趙德鈞父子兵馬戊戌次鴈門以沙
太保所部兵分隸諸將庚戌幸應州癸丑唐大同彰國振
武三節度使迎見留之不遣

十二年春正月丙辰次堆子口唐大同軍節度判官吳巖
閉城拒命遣崔廷勳圍其城庚申上親征至城下諭之巖
降辛酉射鬼箭于雲州北壬戌祀天地癸亥遣國舅安端
發奚西部民各還本土丙寅皇太后遣侍衛實魯趣行是
夕率輕騎先進丁丑皇子述律迎謁于灤河告功太祖行
宮戊寅朝于皇太后進珍玩爲壽二月丁亥以軍前所獲

俘叛入幽州者皆斬之壬寅詔諸部休養士卒癸卯晉遣
唐所掠郎君刺哥文班吏蕭解里還朝三月庚申晉遣使
來貢丁卯晉天雄軍節度使范延廣潛遣人請內附不納
己巳遣郎君的烈古梅里迭烈使晉壬午晉使及諸國使
來見夏四月甲申地震幸平地松林觀潢水源五月甲寅
幸頻蹕淀壬申震開皇殿六月甲申晉遣戶部尚書聶延
祚等請立尊號及歸鴈門以北與幽薊之地仍歲貢帛三
十萬疋詔不許庚戌侍中列率言范延廣叛晉引兵南向
秋七月辛亥朔詔諸部治兵甲癸丑幸懷州謁奉陵甲子
晉遣使來告范延廣反庚午遣耶律曷古皇使晉議軍事

八月癸未晉遣使復請上尊號不許庚寅晉及太原劉知遠南唐李昇各遣使來貢庚子晉遣使以都汴及范延廣降來告九月壬子鼻骨德來貢庚申遣直里古使晉及南唐癸亥木不姑女直來貢辛未遣使高麗鐵驪癸酉回鶻來貢冬十月庚辰朔皇太后永寧節晉及回鶻燉煌諸國皆遣使來賀壬午詔回鶻使胡离只阿刺保問其風俗丁亥諸國使還就遣蒲里骨皮室胡末里使其國十一月己未遣使求醫于晉丁卯鐵驪來貢十二月甲申東幸祀木葉山己丑醫來

本紀第三